



Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 23. Pratum a Cardonna occupatum.

[urn:nbn:de:hbz:466:1-66433](#)

Sæc XVI.
A.C. 1512.

mum copiarum imperium defertur; Cardonnae quoque Neapolis Proregi datum est negotium, ut copias suas in Florentinos duceret, quamvis non nisi duobus majoribus belli tormentis instructus esset. Ast hinc Cardonna, illine Urbinatis Dux rem insolita lentitudine aggrediebantur, imo Cardonna etiam missis ad Florentinos Oratoribus adeo proficuas eisdem obtulit conditiones, ut illas ab eis rejiciendas vix credere posset; nam præprimis postulabat, ut Soderino alias Dictator subrogaretur, Medicæi vero velut privati cives reciperentur, nec publica imperii negotia eis committerentur, nisi quædam ex plurimorum sententia illis credere luperet.

§. XXIII.

Pratum a Cardonna occupatum.

Marian. lib. 30. s. 59. **H**ac Florentinorum repugnantia concitatus Cardonna, Pratum obsidere decernit; ast urbem ea, qua munitissima esset, parte aggressus, duobus suis tormentis post viginti quatuor horarum explosionem nequidem muro labem intulit. Cumque Hispanis commeatus deficeret, ad aliam expeditionem educi postulabant, quibus Cardonna Pratum digito monstrans respondit: ecce urbem, in qua famem, si quæ vos premit, abunde propulsabit.

sabitis. Hispani his verbis erecti, tor-
mentis ad aliam urbis partem deductis,
murum ad sex omnino perdicarum lon-
gitudinem aperuerunt, admotisque scalis
urbem superarunt, quamvis centum Lan-
ceariorum, ac bis mille peditum præsi-
dio, Ductore Lucca Savellyo munita
fuisset. Tum vero Hispanis irruentibus
similis ruinæ strages erat; tantam quo-
que annonæ abundantiam Hispani repe-
riebant, ut in solidum mensem & am-
plius illis sufficeret.

§. XXIV.

*Fædus cum Fiorentinis a Cardonna
initum.*

Parta urbe, cum Florentiæ seditio su-
scitaretur, Soderinus fuga sibi con-
sulere compellitur, a suis proditionem
veritas. Eo autem recedente, factionis
suæ sociis animo fractis, Florentini pri-
mas eo curas intendebant, ut libertatem
suam redimerent, unde ad Cardonnam
suos ablegant, qui eis injunxit, ut octo-
ginta aureorum millia pro Hispanorum
exercitu, ac quadraginta millia pro Cæ-
fare penderent, sibimet vero ipsi viginti
millia numerari petiit; præterea eisdem
præcepit, ut Gallorum foederi nuncium
mitterent, Foederatorum vero societati no-
men darent. Acceptatis conditionibus

D d 5 Sode-